

ՀԱՇՎԵՏՎՈՒԹՅՈՒՆ

ՀՀ ՖՆ Միջազգային համագործակցության վարչության օտարերկրյա պետությունների և միջազգային կազմակերպությունների հետ համագործակցության համակարգման բաժնի պետ Թամարա Ղալայանի՝ 2023թ. մայիսի 24-ից 27-ը Տիվատ (Մոնտենեգրո) գործուղման արդյունքների մասին

1. Անունը, ազգանունը, զբաղեցրած պաշտոնը

Թամարա Ղալայան, ՀՀ ՖՆ Միջազգային համագործակցության վարչության օտարերկրյա պետությունների և միջազգային կազմակերպությունների հետ համագործակցության համակարգման բաժնի պետ

2. Գործուղման վայրը և ժամկետները՝

Ք. Տիվատ, Մոնտենեգրո, 2023 թվականի մայիսի 24-ից 27-ը

3. Հրավիրող կողմը՝

Արժույթի միջազգային հիմնադրամ (ԱՄՀ) և Համաշխարհային բանկ (ՀԲ)

4. Գործուղման նպատակը՝

Մասնակցություն ԱՄՀ/ՀԲ՝ Հայաստանն ընդգրկող Ընկերակցային խմբի հանդիպմանը:

5. Քննարկված թեմաները՝

Ընկերակցային խմբի հանդիպման ընթացքում անդամ երկրների հարկաբյուջետային և դրամավարկային քաղաքականության ինստիտուտների բարձրաստիճան ներկայացուցիչների կողմից քննարկվել են Ընկերակցային խմբի անդամ պետությունների համար առաջնային հարցեր, ներառյալ ԱՄՀ-ի և ՀԲ-ի

քաղաքականությունների առաջնահերթություններն ու ծրագրերը, ինչպես նաև եվրոպական և համաշխարհային տնտեսության մարտահրավերները, այդ թվում՝ «COVID-19» համավարակի և որոշ տարածաշրջաններում ռազմական կոնֆլիկտների արդյունքում առաջացած ճգնաժամերից հետո կայուն զարգացման հնարավորությունների վերականգնմանն ուղղված ջանքերը:

Այդ համատեքստում առաջնային է համարվել գնաճային ճնշումների, ֆինանսական լարվածության և համընդհանուր անորոշությունների պայմաններում մակրոտնտեսական կայունության ամրապնդումը: Քննարկվել է, թե ինչպես պետք է մակրոտնտեսական, ֆինանսական ու կառուցվածքային քաղաքականությունները համատեղ իրականացվեն՝ հաղթահարելու կայուն գնաճը՝ միաժամանակ խուսափելով ֆինանսական ճգնաժամից և անկումից:

Մանրամասն քննարկումներ են ծավալվել նաև արդի մեկ այլ խնդրի՝ միգրացիայի ու դրա արդյունավետ կառավարման շուրջ: Ներկայացվել է այդ մասին ՀԲ Համաշխարհային զարգացման 2023թ. զեկույցը՝ «Միգրանտներ, փախստականներ և հասարակություններ» խորագրով, որն առաջարկում է և՛ նպատակակետ, և՛ ծագման երկրների, ինչպես նաև հենց միգրանտների և փախստականների զարգացման վրա անդրսահմանային տեղաշարժերի ազդեցություններն առավելագույնի հասցնելու ինտեգրված շրջանակ:

Միաժամանակ, կայացել են պանելային քննարկումներ, որոնց ընթացքում Ընկերակցային խմբի անդամ երկրների բարձրաստիճան ներկայացուցիչները ներկայացրել են վերը նշված ոլորտներում իրենց երկրներում վարվող քաղաքականություններն ու մտքեր փոխանակել տարածաշրջանում կայուն զարգացմանն ուղղված առաջնահերթությունների շուրջ:

6. Հանդիպումները, ելույթները, բարձրացված կամ քննարկված հարցերը՝

Ընկերակցային հանդիպման շրջանակներում առանձին հանդիպում է կազմակերպվել Համաշխարհային բանկի՝ Եվրոպայի և Կենտրոնական Ասիայի

հարցերով փոխնախագահ Անտոնելլա Բասսանիի և Միջազգային ֆինանսական կորպորացիայի (ՄՖԿ)՝ Եվրոպայի, Լատինական Ամերիկայի և Կարիբյան երկրների հարցերով փոխնախագահ Ալֆոնսո Գարսիա Մորայի հետ: Հանդիպմանը ներկա է եղել նաև ՀԲ տնօրենների խորհրդում Հայաստանը ներկայացնող տնօրեն Կուն Դավիդսեն: Քննարկվել են ընթացիկ համագործակցությանն առնչվող հարցեր, անդրադարձ է կատարվել նաև էներգետիկ ոլորտում համագործակցությանը, ընթացիկ որոշ ծրագրային հարցերի: Միաժամանակ մտքեր են փոխանակվել նոր, ներառյալ՝ կանաչ ֆինանսավորման, կանաչ պարտատոմսերի, կանաչ տաքսոնոմիայի ուղղություններով համագործակցության ընդլայնման հնարավորությունների շուրջ, ներկայացվել են ՄՖԿ աջակցության գործիքներն ու փորձը այդ բնագավառներում:

Մեկ այլ երկկողմ համատեղ հանդիպում կայացել է Վրաստանի ֆինանսների նախարարության և Ազգային բանկի գործընկերների հետ: Հաշվի առնելով երկու երկրների նշյալ կառույցների միջև արդյունավետ փոխգործակցության արդի մակարդակը՝ հանդիպման ընթացքում փոխհամաձայնեցվել են երկկողմ համագործակցության խորացման, փորձի փոխանակման ուղղությամբ միասնական քայլերը, այդ թվում՝ համատեղ համաժողովների և խորհրդակցությունների կազմակերպման միջոցով:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

1. Ընկերակցային խմբի հանդիպման ավարտին հայտարարվել է Մոլդովայի Հանրապետության՝ ԱՄՀ/ՀԲ Ընկերակցային խմբի 2024թ. հանդիպումը հյուրընկալելու մասին:

2. Վրաստանի ֆինանսների նախարարության հետ երկկողմ հանդիպման ընթացքում պայմանավորվածություն է ձեռք բերվել վրացական կողմի Հայաստան պատվիրակության այցը կազմակերպել 2023թ. հունիսի 30-ից հուլիսի 2-ն ընկած

ժամանակահատվածում, որի շրջանակներում կկայանա 2-օրյա համաժողով՝ ֆինանսների նախարարությունների, ՀՀ կենտրոնական/Վրաստանի ազգային բանկերի, երկու երկրների՝ հարկային և մաքսային վարչարարության համար իրավասու ներկայացուցիչների մասնակցությամբ:

Համաժողովի ընթացքում երկուստեք կներկայացվեն երկու երկրների մակրոտնտեսական քաղաքականությունը, իրականացվող բարեփոխումները, ինչպես նաև կքննարկվեն արդի տարածաշրջանային մարտահրավերներն ու դրանց հաղթահարման ուղիները, ներառյալ՝ հարկային և մաքսային քաղաքականությանն ու վարչարարությանն առնչվող հարցեր:

Ստորագրությունը, ամսաթիվը՝



31.05.2023թ.